

TSHEBETSO YA PALO E AKANTSWENG HO TSWA HO SARS

Na o fumane SMS e tswang ho SARS e o bontshang tshebetso ya palo ya lekgetho la hao?

Lebaka la hore o e fumane ke lena: SARS e na le phihlello ya mehlodi e mengata ya lesedi la balefalekgetho, ho kenyeditswe le lesedi le seng le le mokgwatshebetsong wa SARS. Ho itshelehlwe leseding lena, SARS e ka etsa tshebetso ya palo mme e fihlelle sephetho ka ho panya ha leihlo. Sephetho sena se tla bontsha hore na o lokelwa ke ho fumana pusetso na kapa ebe na o kolota SARS tjelete na ebang o ka faela kgutliso. Jwale he, lebaka la hore o fumane tshebetso ya palo ya lekgetho monongwaha ke hobane o ile wa faela kgutliso ngwahola le ha ho ne ho sa hlokehe hore o etse jwalo. Re qadile ka tshebetso ena ya palo e le boiteko ba rona ba ho thusa balefalekgetho ba rona ho qoba diketelo tse sa hlokeheng makaleng a rona ka Sehla sa Lekgetho.

O hloka ho etsa eng?

Ebang boemo ba hao ba ditjelete bo eso fetohe ho tloha ka Hlakola 2018 ha o hloke ho faela kgutliso.

Na SARS e tla kenya dikotlo ebang ke sa nehelane ka kgutliso?

Tjhe. SARS e ka se kenye dikotlo dife kapa dife tsa taolo mme o ka se be le dikgutliso dife kapa dife tse morao tse tlasa profaele ya hao hobane ho ya ka molao molefalekgetho mona ha a hloke ho faela.

Na ebe ke tla fumana pusetso ebang ke le monyetleng wa ho fumana pusetso efe kapa efe?

Ho ya ka molao, SARS e kgona feela ho fana ka pusetso ya bokaalo bo ka hodimo ho R100.

Na nka faela kgutliso ebang boemo ba ka bo fetohile haesale ho tloha ka Hlakola 2018?

E, o ka kgona. Le ha ho le jwalo, eba bohlahe mme o sebedise kanale ya eFiling kapa SARS MobiApp ho qoba mela makaleng a rona. Tobetsa mona ho fumana tse ngata mabapi le [eFiling](#) le [SARS MobiApp](#).

Ke hobaneng ha SARS e sa busetse bokaalo bo ka tlase ho R100?

Ka tlwaelo ho na le ditjeo tse bang teng ha ho leshwa dipusetso jwalo feela ka ha ho le jwalo nakong eo SARS e hlokang ho bokella lekgetho le kolotuwang. Kahoo ha se tshebediso e ntle ya tjelete ho busetsa kapa hona ho bokella bokaalo bo tlase bo kang R100. Le ha ho le jwalo sena ha se bolele hore sekoloto sa lekgetho se a nyamela, se tla dula se le teng kapa se kolotuwang molefalekgetho se tla nkelwa pele ho lefa sekoloto sa kamoso sa lekgetho sa mofuta oo wa lekgetho kapa se tla kenyeletswa hodima pusetso efe kapa efe e ka hodimo ho R100 ebang ho hlokeha. Bokaalo ba pusetso ya R100 bo hlakisitswe karolong ya 191(3) ya [Molao wa Taolo ya Lekgetho, 2011](#) mme ona o baleha tjena: *“An amount is not refundable if the amount is less than R100 or any other amount that the Commissioner may determine by public notice, but the amount must be carried forward in the taxpayer account.”*